

आकाशवाणी

- प्रधानमंत्री नरेंद्र मोदी हुंदे सोशल मीडिया एकाउंट एक्स पर फॉलोवर्स दी गिनतरी 10 करोड़ शा मती होई गई ऐ।
- केर्नी ते अमेजान पे दे इक सांझे अध्ययन च आखेआ गेआ ऐ जे भारत दा खुदरा डिजिटल भुगतान 2030 तगर दूना होइयै 7 ट्रिलियन डॉलर तगर पुज्जने दी मेद ऐ।
- राष्ट्रीय परीक्षा एजेंसी नै 19 जुलाई गी प्रभावित मेदवारें लेई CUET-UG दाखला म्तेहान परतियै करोआने दी घोषणा कीती ऐ।
- ते विम्बलडन टेनिस च मर्दे दे इक्कले मुकाबले च साइबीरिया दे Novak Djokovic गी हराइयै खिताब अपने नां कीता ऐ।

<><><><><>

PM 100 Million

प्रधानमंत्री नरेंद्र मोदी हुंदे सोशल मीडिया एकाउंट एक्स पर उन्दे फॉलोअरें दी गिनतरी 100 मिलियन दा आकंड़ा पार करी गई ऐ। इस टकोहदी बढ़ोतरी च पिछले त्रुं बरें च 30 मिलियन फॉलोअरें दा इजाफा दिक्खने गी लब्बा। हुन प्रधानमंत्री नरेंद्र मोदी होरें गी इसलै एक्स पर दुनिया दे सब्बनें शा मते फॉलो कीते जाने आले बने गे न।

ओह 38.1 मिलियन 3 करोड़ 81 लक्ख फॉलोअर आले अमरीकी राष्ट्रपति ते 65 लक्ख फॉलोअर आले कनाडा दे प्रधानमंत्री जस्टिन ट्रूगो थमां बड़े अग्गे न। इस उपलब्धि मगरा प्रधानमंत्री होरें इक सोशल मीडिया पोस्ट च इस मंच पर सक्रिय होने दी खुशी जाहिर कीती ते चर्चा, वाद-विवाद, लोकें दा आशीर्वाद, रचनात्मक आलोचना लेई आभार जताया।

गृहमंत्री अमित शाह होंरे एक्स पर 10 करोड़ दा आंकड़ा पार करी लैने पर प्रधानमंत्री होंरे गी बधाई दिती ऐ।

<><><><><><>

Home Minister

गृहमंत्री अमित शाह होंरे कल इंदौर थमां मध्य प्रदेश दी सब्बनें 55 जिलें च पी एम कालेज ऑफ एक्सीलेंस दा उद्घाटन कीता। इस दौरान कार्यक्रम च मुख्खमंत्री डॉ. मोहन यादव बी उत्थे मौजूद हे। इस मौके पर बोलदे होई गृहमंत्री होंरे इस गल्लै पर जोर पाया जे नमीं शिक्षा नीति छड़ी भारतीय विद्यार्थियें गी वैश्विक मंच पर मुकाबला करने जोग बनाग, सगआं एह उनेंगी अपनी सगगोसार संस्कृति, विरासत ते मां बोली कन्नै बी जोड़ग। गृहमंत्री होंरे अग्गे इस गल्लै गी उजागर कीता जे मध्य प्रदेश दे सब्बनें 55 जिलें च पी एम कॉलेज ऑफ एक्सीलेंस दी स्थापना विद्यार्थियें गी उच्ची गुणवत्ता आली शिक्षा प्रदान करने दे मकसद कन्नै शुरू कीती गई ऐ। उनें मेडिकल ते इंजीनियरिंग शिक्षा दी हिंदी च शुरूआत करने लेई बी उंदी सराहना कीती कीजे एहदे कन्नै आर्थिक रूपे नै पिछड़े दे परोआरें गी मदाद थहोई सकै।

<><><><><><>

Digital-Payments

केर्नी ते अमेजान पे दे इक सांझे अध्ययन च आखेआ गेआ ऐ जे भारत दा खुदरा डिजिटल भुगतान 2030 तगर दोगुणा होइए 7 ट्रिलियन डॉलर तर पुज्जने दी मेद ऐ शैहरी भारत कियां भुगतान करदा ऐ, नां दे अध्ययन मुजब माली बरे 2023-24 च खुदरा लैन-देन आस्तै भारत दा डिजिटल भुगतान बदिए त्रै अशारिया 6 ट्रिलियन डॉलर होई गेआ ऐ जिसले कि माली बरे 2017-18 च एह 300 बिलियन डॉलर हा। भारत च यू.पी.आई लैन-देन 11 अप्रैल 2016 गी शुरू कीता गेआ हा। डिजिटल लैन-देन दे स्तर च माली बरे 2018 सोयां 2024 तगर ूयनिफाइड स्तह च 138 फीसद दा बाददा दिक्खेआ गेआ ऐ।

रिपोर्ट च एह बी आखेआ गेआ ऐ जे भारत दा ई-कामर्स बजार 2022 च 75 बिलियन डॉलर सोयां 80 बिलियन डॉलर हा जेदे 2030 तगर 21 फीसद बढने दी मेद ऐ।

<><><><><><>

Foreign Investment

विदेशी निवेशके जुलाई म्हीने दे पैहले 2 हफते च भारतीय पूंजी बजार च लगभग 24 जहार करोड़ रपे दा निवेश कीता ऐ। आंकड़े मुजब 15 जहार 352 करोड़ रपे शेयरे च ते 8 जहार 484 करोड़ रपे दोआर बजारें च लाए गे न। एहदे कन्ने 12 जुलाई तगर विदेशी पोर्टफोलियो निवेशके दा कुल निवेश 23 जहार 836 करोड़ रपे होई गेआ।

<><><><><><>

Nepal PM

के.पी शर्मा ओली अज्ज नेपाल दे प्रधानमंत्री दे पद दी सगंध चुकंगन। शपथ ग्रहण समारोह भारतीय समे मताबक 10 बज्जिये 45 मिंटे पर काठमांडू च राष्ट्रपतिभवन दे शीतल निवास च होग। ओली हुंदे कन्ने होरने कैबिनेट मंत्री बी मंत्रीमंडल च शामिल होंगन। ओली होर त्री बारी प्रधानमंत्री बना'रदे न जेड़े गठबंधन सरकार दी अगुवाई करंगन। ओली होर पुष्पकमल दहल प्रचंड हुंदी थाहर लैंगन जेड़े शुक्रवारें सदन च विश्वास मत हासिल नेई करी सके। नेपाल दे राष्ट्रपति राम चंद्रा होरे ओली होरे गी गठबंधन सरकार दे नमे प्रधानमंत्री नियुक्त कीता।

<><><><><><>

Trump-Attack

अमरीकी राष्ट्रपति जो बाइडेन होंरें पेसिल्वेनिया रैली च सुरक्षा उपाएं दी इक स्वतंत्र जांच शुरू करी दिती ऐ जित्थे पैहले साबका राष्ट्रपति डोनाल्ड ट्रम्प हुंदी हत्या दी कोशिश कीती गेई व्हाइट हाउस च बोलदे होई बाइडन होंरें आखेआ जे

<><><><><><>

NTA

राष्ट्रीय परीक्षा एजेंसी एनटीए नै ऐलान कीता ऐ जे ओह् CUET-UG दे प्रभावित विद्यार्थिं दा परतियै म्तेहान लैग। एह् म्तेहान 19 जुलाई गी कम्प्यूटर आधारित होग। विशे-कोड दा जिक्र करदे होई इनें प्रभावित विद्यार्थिं गी ई-मेल भेजी दिता गेआ ऐ ते दाखला कार्ड बी तौलें गै जारी करी दिते जांगन। दाखला म्तेहान जंदे मई म्हीने 379 शैहरें च लैता गेआ हा ते इंदे चा 26 केंद्र मुख्य थमां बाहर हे। पैहली बारी एह् म्तेहान ऑनलाइन ते ऑफलाइन दौनें तरीकें राहें होआ हा। हासल जानकारी मुजब अस्थाई आन्सर की 7 जुलाई गी जारी कीती गेई ही ते 9 जुलाई तगर एहदे पर ऐतराज मंगे गे हे।

<><><><><><>

Amarnath-Yatra

जम्मू दे भगवती नगर आले आधार शिविर थवां 4 ज्हार 875 श्रद्धालुएं दा इक होर जत्था श्री अमरनाथ जी दी जातरा लेई अज्ज बड्डलै रवाना होआ। एह् सारे श्रद्धालु 162 गड्डिं दे काफिले च सोआर होइए निकले न। अज्ज आले जत्थे च 3 ज्हार 464 मर्द, इक ज्हार 333 महिलां, 14 बच्चे, 57 साधु ते 7 साध्वियां शामिल हियां। 1 ज्हार 918 श्रद्धालु बालटाल लेई ते 2 ज्हार 957 श्रद्धालु पहलगाम लेई रवाना होए जित्थुआं ओह् अपनी अग्गे दी जातरा गी शुरू करडन।

<><><><><><>

J&K Uma Bhagwati Temple

दक्खणी कश्मीर दे अनंतनाग जिले दे प्राचीन मंदर “उमा भगवती” दे दरवाजे 34 बरें मगरा कल भक्तें आस्तें खोली दिते गए। केंद्री गृह राजमंत्री नित्यानंद राय होरें मंदर दे दरवाजे गी आपूं श्रद्धालुएं लेई खोलेआ। इस मौके पर जम्मू-कश्मीर दे बक्ख-बक्ख हिस्सें सोयां आए दे ज्हरां बद्दे श्रद्धालु, खास करी कश्मीरी पंडित देवी उमा भगवती हुंदी पूजा करने लेई मौजूद हे। परतिए होए दे उद्घाटन समारोह दौरान राजस्थान सोयां आहनी गेदी देवी उमा हुंदी मूर्ति गी गर्भगृह च रक्खेआ गेआ। केंद्री मंत्री होरें श्रद्धालुएं गी संबोधित करदे होई भरोसा जताया जे खरी मती गिनतरी च श्रद्धालु मंदर औडन। उनें आखेआ जे विकसित जम्मू-कश्मीर ते एहदी अपनी समन्वित संस्कृति प्रति सरकार दी प्रतिबद्धता जम्मू-कश्मीर गी इक समृद्ध ते शांतिपूर्ण क्षेत्र दे रूपे च विकसित करने च बड़ी मदद करोग।

<><><><><><>

HSHS

हमारा संविधान हमारा सम्मान अभियान दा दुआ क्षेत्रीय कार्यक्रम मंगलवार गी उत्तर प्रदेश दे प्रयागराज च आयोजित कीता जाना ऐ। एह कार्यक्रम न्या तगर सब्बनें दी पुज्ज आस्तें नमिं काहडें आले हल दी रूप रेखा दी त्यारी बारै आयोजित कीता जा रदा ऐ। एह कार्यक्रम भारतीय संविधान गी अपनाने ते भारत गी इक गणतंत्र बनाने दी 75मीं बरे गंड दे चेतें च मनाया जा'रदा ऐ।

<><><><><><>

Delhi-Metro

दिल्ली मेट्रो अज्जै थमां 14 अगस्त तगर उपभोक्ताएं थवां प्रतिक्रिया लैने सरबन्धी सर्वेक्षण करोग। सर्वेक्षण दा मुख मकसद उपभोक्ताएं थवां उंदी प्रतिक्रिया हासिल करना ऐ ओह बी बक्ख-बक्ख मानके, सेवाएं ते सुविधा बारै।

इस दौरान उपभोक्ताएं थवां सुझा बी मंगे जांगन तां जे सेवाएं गी होर बेहतर बनाया जाई सकै। जेडे बी उपभोक्ता इस सर्वे च हिस्सा लैना चाहंदे न ओह डी.एम.आर.सी दी आधिकारिक वेबसाइट www.delhimetrorail.com पर जाइए देई सकदे न।

<><><><><><>

Wimbledon Tennis

विम्बलडन टेनिस च स्पेन दे कार्लोस एल्कराज नै साइबीरिया दे Novak Djokovic गी 6-2, 6-2, 7-56 कन्नै हराइयै मर्दे दे इक्कले मुकाबले च जित हासिल कीती। एल्कराज नै पेहले दऊं सेटें च 6-2, 6-2 कन्नै असानी कन्नै जितेया पर त्रीये सेट च Djokovic होरें बेहतरीन प्रदर्शन कीता। हालांकि कार्लोस एल्कराज होरें त्रीये सेट च बी जित हासिल कीती। हुनै तगर विम्बलडन फाइनल च एल्कराज होर दुई बार पुज्जे न जिसले के Novak Djokovic इस प्रतियोगिता दे 7 बार चैंपियन रेह न। मिक्स्ड डबल्स फाइनल च प.. तायवान दी जोड़ी नै अपना दुआ ग्रैंड स्लैम टाइटल जितेआ। उनें मैक्सीको दी जोड़ी गी 6-4, 6-2 कन्नै हराया हा।

<><><><><><>

Cricket

भारत नै अंतरराष्ट्रीय टी-20 श्रृंखला दे 5में ते अखीरलै मैच च जित हासिल करियै 4-1 कन्नै जिम्बावे दी मेजबान टीम गी हराई दिता ऐ। हारे च होए दे इस मैच च भारत नै 42 रन्जें कन्नै जिम्बावे गी हराइयै श्रृंखला अपने नां कीती। पैहले बल्लेबाजी करदे होई संजू सैमसन नै अर्ध शतक लाया ते 6 विकटें दे नुकसान पर कुल 167 रन बनाए। जवाब च जिम्बावे दी टीम 18 ओवर 3 गेंदें च गै आल आउट होई गई। जिम्बावे दी तरफा Dion Myers नै सब्बनें शा मते 34 रन्ज बनाए हे।

<><><><><><>